

**Nunanut Allanut, Sillimaniarnermut Illersornissamullu Attaveqartarnermut  
Ataatsimiititaliamut Suliakkiissut uku akornanni Danmarkip Naalakkersuisuisa,  
Savalimmiut Naalakkersuisuisa Kalaallit Nunaannilu Naalakkersuisut**

Naalagaaffeqatigiinnermi nunat nunanut allanut, sillimaniarnikkut illersornissakkullu politikimut immikkut Savalimmiunut Nunatsinnullu soqutiginaatilinnut qanimut, ataqqeqatigiilluni naligiillunilu suleqatigiittoqarnissaanik Danmarkimi naalakkersuisut, Savalimmiuni Kalaallit Nunaannilu Naalakkersuisut kissaateqarput.

Siunertarineqartoq tamanna siuarsaaffiginarlugu attaveqartarnermut ataatsimiititaliamik qallunaat, savalimmiormiut kalaallillu ataatsimoorfigisaannik, qaqugukkulluunniit qallunaat ministeriinik aamma savalimmiormiut kalaallillu naalakkersuisuinit attuumassutilinnit peqataaffigisassaannik pilersitsisoqarpoq (tamatum kingorna Attaveqartarnermut Ataatsimiititaliaq). Attaveqartarnermut Ataatsimiititaliami massakkut ilaasortaatinneqartut ilanngussami atuarneqarsinnaapput.

**Attaveqartarnermut Ataatsimiititaliap suliassai**

Attaveqartarnermut Ataatsimiititaliap, matumani nunanut allanut, sillimaniarnikkut illersornissakkullu politiki naalagaaffimmi oqartussanit ataatsimut isumagisaalluni, naalagaaffeqatigiinnermi piginnaatitsinerit agguataarneranni atuuttut malillugit sulissaaq, ilaatigut

- siamasissumik ataqatigiissumillu paasissutissanik avitseqatigiissinnaaneq periarfissaalissaaq, apeqqutillu nunanut allanut, sillimaniarnermut illersornissamullu tunngasut immikkut Savalimmiunut Nunatsinnullu soqutiginaatillit pillugit ataqatigiissaarinerit naaperiaanerillu periarfissinneqassapput,
- nunat pingasuusut soqutigisaannik tamanik ataatsimut paasinnittoqarnissaa soqutiginnittoqarnissaa lu siunertaralugit paasinninnissaaq naaperiaasinnaanerlu tunngavissinneqassapput,
- suliat suliassaqaarfinni Savalimmiunit/Kalaallit Nunaannit tiguneqartut akornanni pilersimasut aamma nunanut allanut sillimaniarnikkullu kiisalu illersornissakkut politikimut tunngasut oqallisigineqartassapput,
- nunanut allanut, sillimaniarnikkut illersornissakkullu politikip ineriartorfiuneranut pingaaruteqassusaanullu isummorsinnaassallutik, soorlu teknologiip tungaatigut ineriartorneq eqqarsaatigalugu.

Attaveqartarnermut Ataatsimiititaliami ilaasortat sammisassanik allanik ataatsimiititaliamut oqaluuserisassanngortitsisinnaapput.

Attaveqartarnermut Ataatsimiititaliap nammineq sulinissani piareersarlugulu aaqjissuutissavaa.

## **Siulittaasoqarfik**

Attaveqartarnermut Ataatsimiititaliami siulittaasoqarneq Danmarkip, Savalimmiut Kalaallit Nunaatalu akornanni paarlakaanneqassaaq ukiumillu ataatsimik sivilissuseqartassalluni.

## **Ataatsimiittarnerit qanoq akulikitsiginissaat sumiittarnissaallu**

Attaveqartarnermut Ataatsimiititaliaq naalagaaffeqatigiit ataatsimiinnerannut atatillugu ukiumoortumik aalajangersimasumik ataasiarluni ataatsimiittassaaq, tamatumalu saniatigut pisariaqartitsineq naapertorlugu suliassat allat pillugit naapittassalluni.

Ataatsimiinnerit nunami siulittaasoqarfiusumi pisassapput, tamatumalu saniatigut pisariaqartitsineq naapertorlugu qarasaasiaq atorlugu pisinnaassallutik.

Attaveqartarnermut Ataatsimiititaliap sulineranut atatillugu aningaasartuutit peqataasunit nammineq akilerneqassapput.

## **Allattoqarfik**

Danskit, Savalimmiormiut Kalaallillu atorfilittaasa ataatsimoorlutik allattoqarfiannik naalackersuinikkut oqallinnissamik piareersaaffiusinnaasumik pilersitsisoqassaaq.

Allattoqarfiup sumiiffia, ataatsimiittarnissaa ilaasortaalu ilanngussami atuarneqarsinnaapput.

København, ulloq 4. Oktober 2021

Statsminister  
Mette Frederiksen

Lagmand  
Bárður á Steig Nielsen

Naalackersuisut Siulittaasuat  
Múte Bourup Egede

Danmarkip Naalakkersuisuisa, Savalimmiut Naalakkersuisuisa Kalaallit Nunaannilu Naalakkersuisut akornanni Nunanut Allanut, Sillimaniarnermut Illersornissamullu Attaveqartarnermut Ataatsimiititaliamut Suliakkiissut pillugu ilanngussaq

### **Attaveqartarnermut Ataatsimiititaliaq**

Ulloq 4. Oktober 2021 aallartiffigalugu Attaveqartarnermut Ataatsimiititaliami ilaasortat:

Statsministeri

Nunanut Allanut ministeri

Justitsministeri

Forsvarsministeri

Lagmanden

Ilaatigut Nunanut Allanut Suliassaqarfimmut naalakkersuisunut ilaasortaq

Aningaasaqarnermut Naalakkersuisunut ilaasortaq

Naalakkersuisut Siulittaasuat

Inuussutissarsiornermut Niuernermullu Naalakkersuisoq

Ineqarnermut, Attaveqatigiinnermut, Aatsitassanut, Inatsisit Atuutsinneqarnerannut

Naligiissitaanermullu Naalakkersuisoq

### **Allattoqarfik**

Allattoqarfik Statsministeriaqarfimmi, Lagmandip Allaffiani aamma Naalakkersuisut Siulittaasuata Naalakkersuisoqarfiani inissisimassaaq. Allattoqarfiup suliaasa ataqatigiissaariffiginerat paarlakaallugu Danmarkip, Savalimmiut Kalaallit Nunaatalu akornanni suliarineqassaaq, Attaveqartarnermullu Ataatsimiititaliap siulittaasoqarfianik malinnissalluni.

Allattoqarfik Attaveqartarnermut Ataatsimiititaliami ataatsimiinnissat piareersarnissaat siunertaralugu piareersaatitut ataatsimiittassaaq, aalajangersimasumillu ukiumut ataasiarluni, tamatumalu saniatigut pisariaqartitsineq naapertorlugu, ataatsimiittassalluni. Allattoqarfiup ataatsimiinneri aallaavimmikkut qarasaasiaq atorlugu ingerlanneqartussaapput.

Ulloq 4. Oktober 2021 aallartiffigalugu allattoqarfimmi ilaasortat:

Statsministeriaqarfik

Nunanut Allanut Ministeriaqarfik

Justitsministeriaqarfik

Illersornissamut ministeriaqarfik

Lagmandip Allaffia

Ilaatigut Nunanut Allanut Naalakkersuisoqarfik

Aningaasaqarnermut Naalakkersuisoqarfik

Naalakkersuisut Siulittaasuata Naalakkersuisoqarfia  
Inuussutissarsiornermut Niuernermullu Naalakkersuisoqarfik  
Ineqarnermut, Attaveqatigiinnermut Naligiissitaanermullu Naalakkersuisoqarfik

MISSINGUT